

# Rapport dalla seduta dil cussegl da vischnaunca dils 21 da matg 2024 en casa da scola a Dardin

**Presenza:**

- 12 commembers dil cussegl
- 1 suppleant cun dretg da votar
- 2 suppleants senza dretg da votar
- 2 commembers dalla cumissiun da quen e gestiun
- 4 commembers dalla suprastanza communal + actuar

**Hosps:** 4 personas

Il president dil cussegl, Gérard Carigiet fa in cordial beinvegni a tut ils presents alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Cunquei ch'ei vegn buca fatg diever da tala ei la gliesta per la seduta da questa sera ligionta.

## 1. Approbaziun dil protocol dalla seduta dil cussegl dils 14 da november 2023

Il protocol ei vegnius tarmess allas cusseglieras ed a tuts cussegliers. Il president dil cussegl sutametta quel alla discussiun. Da tala vegn buca fatg diever. Il protocol vegn approbaus unanim (13:0).

## 2. Presentaziun quen e rapport annual 2023

Il quen annual 2023 dalla vischnaunca da Breil siara suenter expensas ell'altezia da frs. 14'535'143.67 ed entradas da frs. 19'113'190.84 cun in surpli entradas da frs. 4'578'047.17. Amortisaziuns ordinaras ein vegnidat fatgas ell'altezia da total frs. 748'826.00. Il quen d'investiziun siara suenter expensas da frs. 6'205'619.95 ed entradas da frs. 1'318'445.75 cun investiziuns nettas ell'altezia da frs. 4'887'174.20. Il quen ei vegnius revedius da Confidar Treuhand SA Glion, sco era dalla cumissiun da quen e gestiun dalla vischnaunca. Vinavon ha la cumissiun da quen e gestiun revediu il quen annual dalla Meglieraziun Breil-vitg. Sco veseivel el quen ein las entradas dil tscheins d'aua sesalzai visavi ils davos onns, quei denton aunc adina pli pauc che stau previu. Perencunter ha la vendita d'energia purtau in bionton dapli che previu. Era las entradas da taglia ein stai pli aultas che previdas.

Clau Schlosser presenta il quen annual cun tut ils detagls e dat sclariment sur dallas differentas posiziuns e las differenzas visavi il quen 2022 sco era il preventiv 2024. Sin las damondas duront la presentaziun sa vegnir rispundiu per cuntentientscha dils presents.

La discussiun vegn dada libra. Cunquei che las damondas aviartas han saviu vegnir rispundi duront la presentaziun dat ei neginas ulteriuras damondas. Ei vegn era buca fatg propostas per midadas ni adattaziun dil quen annual.

## 3. Rapport da revisiun ed approbaziun dil quen annual 2023

Andreas Cadonau, president dalla cumissiun da quen e gestiun, rapporta sur dalla revisiun prida avon e menziunescha il fatg ch'il quen ei sco emprem vegnius revidius dil biro fiduziari Confidar SA. La cumissiun ei fetg satisfatga dalla buna lavur dalla suprasatanza communal e dall'administraziun. Il quen seigi vegnius presentaus al cussegl en tut ils detagls, aschia che la cumissiun stoppi buca commentar tal. Ins hagi

controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment.

La cumissiun propona d'approbar il quen annual 2023 e dar scarica alla suprastanza sco era a tuts emploiai. Andreas Cadonau engrazia alla suprastanza, all'administraziun, als emploiai ed a tuts funcziunaris per la buna lavur prestada el decuors digl onn vargau ed en favur dalla vischnaunca.

Las cusseglieras ed ils cussegliers fan negin diever dalla discussiun. Per consequenza vegn il quen annual 2023 sco era il quen dalla Meglieraziun Breil-vitg suttamess alla votaziun. Cun tscherna unanima (13:0) approbescha il cussegl ils quens annuals cun dar scarica a tuts funcziunaris. L'approbaziun dil quen vegn confirmada cun in applaus per il fetg bien resultat.

Il quen vegn repartius en tut las casadas e mess sin nossa pagina d'internet. Convischinas e convischins che ein buca cuntents cun l'approbaziun dil quen ni cul quen sco tal, san far diever dil referendum facultativ tenor constituziun communal.

#### 4. Approbaziun credit sanaziun Via Curtgin a Vuorz

El plan da finanzas dalla vischnaunca ei stau previu el 2028 da sanar la Via Curtgin a Vuorz. Cunquei che las lavurs vid l'ovra hidraulica a Danis vegnan uonn buca a vegnir realisai sco previu, ha la suprastanza decidiu da sanar la Via Curtgin a Vuorz. Sco emprem ei stau previu ina sanaziun parziala dalla via che havess tenuu ca.10 onns. Ils cuosts per quella sanaziun parziala muntavan denton a frs. 60'000.00. Suententer haver examinau la via en detagl ei la suprastanza sedecidida da far la sanaziun cumpletta. Aschia havein schau far Cavigelli Ing. AG ina calculaziun da cuosts per la sanaziun cumpletta che vesa ora sco suonda :

Lavurs da construcziun :	frs. 250'000.00
Lingias d'aua schubra :	frs. 70'000.00
Lingias d'aua da meteo :	frs. 20'000.00
Cuosts nunprevi (illuminaziun) :	frs. 10'000.00
<b>Total cuosts</b>	<b>frs. 350'000.00</b>

La suprastanza fa la proposta al cussegl d'approbar il credit da frs. 350'000.00 per la sanaziun dalla Via Curtgin a Vuorz.

Clau Schlosser presenta la fatschenta e dat aunc ils sclariments necessaris. Sin las damondas sa vegnir dau risposta per cuntentientscha dils presents.

La discussiun vegn dada libra. Cunquei ch'ei vegn buca fatg diever dalla discussiun vegn votau giu. Il cussegl approbescha unaniam (13:0) il credit per la sanaziun dalla Via Curtgin a Vuorz.

Convischinas e convischins che ein buca cuntents cun l'approbaziun da quei credit sco tal, san far diever dil referendum facultativ tenor constituziun communal.

#### 5. Elecziun: cumissiun scola

Maria Luisa Middea d'Andiast ed Adrian Hunger da Vuorz ein sedecidi da seretrer dalla cumissiun scola sin la fin digl onn da scola 2023/24.

Per la successiun vegn fatg la proposta sin Sabrina Battista-Cristani da Danis e Luzi Duri Cadonau da Vuorz.

Ei vegn fatg neginas ulteriuras propostas. Cun tscherna unanima (13:0) elegia il cussegl Sabrina Battista e Luzi Duri Cadonau sco novs commembers dalla cumissiun scola sin l'entschatta digl onn da scola 2024/25.

## 6. V a r i a

Clau Schlosser informescha il cussegl sur dil fatg che la via en la Val Capeder a Dardin seigi stuschada per varga 3 meters encunter val duront las plievias intensivias. Las mesiras d'urgenza han saviu vegnir fatgas e la via ei provisoricamein aviarta. Sin d'atun sto vegnir fatg ina sanaziun, schiglioc savein buca schar aviert quella via sur igl unviern. Aschispert ch'il cantun ha dau glisch verda ed ils cuosts ein avon maun, sto vegnir clamau ensemen il cussegl per conceder il credit necessari.

Vinavon informescha il president ch'il project turismus en nossa vischnaunca seigi serraus giu. Ussa vegn spetgau sin il rapport final e silsuenter vegn ei a dar ina informaziun per la populaziun.

Pieder Blumenthal giavischa informaziuns sur dil stan actual dalla lescha da cultura che ei vegnida tschentada si dad ina cumissiun. Il president sa informar che la suprastanza seigi vidlunder da preparar in sboz per presentar quel proximamein al cussegl. Vinavon giavischa el informaziuns cu la staziun dalla Viafier Retica a Tavanasa vegni sanada. Era cheu sa il president informar il cussegl che la sanaziun vegni ad haver liug sil pli baul 2028/29.

Gérard Carigiet engrazia per la preschientscha e la partizipaziun. El giavischa allas cusseglieras ed als cussegliers in bien retuorn a casa e siara la seduta allas 21:50 uras.

Breil, ils 22 da matg 2024

**Il president**

**Igl actuar**